

Uunga

Allannguutissatut siunnersuut

**Uunga siunnersuut: Utoqqaat illersuisuat pillugu Inatsisartut inatsisaat nr. xx, xx. xxx 2019-imeersoq**

Aappassaaneerneqarnissaanut Naalakkersuisunit saqqummiunneqartoq.

*§ 16-imut*

**1. § 16-imi imm. 1-p** kingorna nutaatut ilanngunneqarpoq:

”Imm. 2. 2022-imi aprili 1-ni nalunaarusiortoqarnissaa Naalakkersuisut isumagissavaat, tassani § 9 malillugu isumaginninnermut aqutsisoqarfimmi allattoqarfiup inissinneqarnera nalilersorneqassalluni. Nalunaarusiap naammassineqarnerata kingunitsianngua taanna Inatsisartunut ilaasortanut agguanneqarnissaa siunertaralugu, Inatsisartunut tunniunneqassaaq.”

Allannguutissatut siunnersuummut nassuiaatit

**Nassuiaatit nalinginnaasut**

Allannguutissatut siunnersuutip massuma saqqummiunneqarneratigut Ilaqutariinnermut Peqqissutsimullu Ataatsimiititaliami amerlanerussuteqartut inassuteqaataat Naalakkersuisut akuersaarpaat, tassani isumaginninnermut aqutsisoqarfimmi allattoqarfiup inissinneqarnerata ukiut marluk qaangiunneranni nalilersorneqarnerata pinissaanik kinguneqartussamik Naalakkersuisut allannguutissatut siunnersuummik saqqummiusseqqullugit kajumissaarneqarput.

**Allannguutissatut siunnersuummi aalajangersakkanut ataasiakkaanut nassuiaatit**

Nr. 1-imut

§ 16, imm. 2-mut

Allattoqarfiup isumaginninnermut aqutsisoqarfimmi inissinneqarnerata ukiut marluk qaangiunneranni nalilersorneqarnissaa aalajangersakkami aalajangerneqarpoq. Nalilersuineq nalunaarusiornermik kinguneqassaaq, taannalu Inatsisartunut ilaasortanut agguanneqarumaarpoq.